

（欽定）廓爾喀紀畧

卷
四十五
四十六

(欽定) 麻商略紀畧

卷三

欽定廓爾喀紀畧卷四十五

十一月初三日

戊戌

上命軍機大臣傳諭福康安曰鄂輝現因五十五年
廓爾喀呈進表貢匿不具奏一事已革職交福康
安等嚴審具奏矣駐藏大臣尙乏幫辦之員朕意
成德前於鄂輝巴忠與廓爾喀許銀說和時伊始
尙以帶領多兵應行進剿不當說和完事祇以鄂

輝巴忠一係將軍一係欽差成德職分較小不得不聽從辦理其扶同回護之咎尙有一綫可原且人才難得若成德於鄂輝壓擱表貢之處未經與聞尙可棄瑕錄用俾駐藏幫辦予以自効之途此時藏內諸務正當整飭之際關係緊要朕意原欲令松筠前往辦事但伊在庫倫駐劄七年甫經換回未便卽令遠出而成德才具亦止可在藏幫辦

不能總理一切目下有和琳在彼主持經理自可
倚恃俟二三年後松筠亦已在京休息數年伊係
軍機章京尙爲更事維時再令松筠前往更換和
琳而成德隨同和琳辦事二三年於藏務漸能熟
悉令其幫同松筠亦可無悞計福康安於十月中
旬可抵前藏與孫士毅惠齡和琳商辦善後事宜
及審訊鄂輝等一案須有數旬耽擱所有成德幫

辦藏務之處福康安意以爲何如著卽體察情形

據實覆奏

十一日

丙午福康安惠齡奏言

臣

等於十月初三

日行抵後藏卽赴扎什倫布叩謁

聖容初五日至經堂與班禪額爾德尼相見彼此遞

送哈達據班禪額爾德尼告稱我蒙

大皇帝鴻恩振興黃教護持佛法因廓爾喀滋擾不

法

特派大將軍率領大兵遠來進剿仰藉

大皇帝天威屢戰屢捷克復邊界摧堅據險攻克賊

境地方數百里痛殲賊衆大示懲創廓爾喀賊

酋畏懼乞降再三哀懇專差大頭人進京瞻覲

天顏永遠不敢滋事大將軍據情轉奏始蒙

大皇帝如天好生之德不忍滅其種類

恩准投降在藏聞知實爲歡幸從此藏地邊界永臻
寧謐我等得以托賴

大皇帝恩庇奉教安禪尤屬十分感激擬卽差人同
達賴喇嘛所遣之人赴京進

表恭謝

天恩等語臣等告以此次大兵進剿秉承

睿算得以大振軍威所向克捷今賊匪心寒膽落畏

懼乞降斷不虞再行滋事仰惟

大皇帝不惜

帑金勞師遠涉

厯籌軍務

宵旰焦勞全爲輯寧衛藏但恐藏內辦事之人不知
計慮深遠一切章程未能周妥若不革除積弊
終非經久之策俟至前藏時會同駐藏大臣逐

一籌議典利除弊奏請

大皇帝訓示俟奏定後再當寄知班禪額爾德尼轉
諭後藏僧俗人等一一奉行永遠遵守班禪額
爾德尼及衆喇嘛聽聞之下據稱將來應辦事
宜悉聽主持裁酌於藏地大有裨益惟當實力
奉行等語臣等察看班禪額爾德尼雖年甫十
一齡極有慧性一切言語並無他人在旁代述

而應對明敏居然成人其餘商卓忒巴歲琿堪
布及衆喇嘛等感激歡忭情形亦極真切現今
歲琿堪布隨往前藏將來安定章程再將各條
欸詳細告知令伊等遵奉斷不致稍形格碍至
賊匪呈繳

恩賜前輩班禪額爾德尼金冊共計十二頁並無短
少所有鐫刻清漢字及唐古忒字跡毫無損壞

金史卷一百一十五
已遵

旨交班禪額爾德尼在扎什倫布安奉班禪額爾德
尼跪接金冊情形極爲歡忭並稱金冊乃

大皇帝恩賜在扎什倫布尊藏供奉永爲世寶理當
加意保護謹守勿失上年賊匪滋擾我與衆喇
嘛不能竭力防守實屬罪無可追仰藉

大皇帝福庇黃教振興敬當供奉金冊小心守護仰

副

大皇帝宥罪施恩至意大將軍凱旋進京務求將我
感激下忱代爲面奏謹具大哈達一方金無量
壽佛一尊松石鑲嵌觀音一尊梵銅利瑪佛四
尊珊瑚珠一串蜜臘珠一串懇祈將軍到京時

恭

進稍盡微忱仍專差喇嘛赴京恭進

金匱要略卷四十三
表貢謝

恩等語

臣

等當卽曲加撫慰允將呈進佛像物件到

京時代爲陳奏所有賊匪呈繳物件遵照

發下原單除分別解京變價及充公外其餘業已交

還扎什倫布班禪額爾德尼及喇嘛等無不歡

欣感激初六日

臣

等自後藏起程班禪額爾德

尼先至十里之外恭設幄次俟

臣

等一到向上

跪請

聖安敬遞無量壽佛一尊大哈達一方恭祝

聖壽_臣等以其感

恩知禮面加獎讚隨派巴圖魯侍衛數員送回扎什

倫布_臣等始行起程再前據珠爾杭阿稟稱九

月二十日帶領廓爾喀頭人噶箕第烏達特塔

巴等至扎什倫布謁見班禪額爾德尼叩頭認

罪經班禪額爾德尼諭以爾部落自恃強橫與
唐古忒藉端尋衅滋擾佛地實爲罪孽深重仰
蒙

大皇帝發兵進剿猶幸爾部落及早改悔哀懇投降
仰邀

大皇帝憐憫生靈特加

恩准惟當永遠恭順

天朝不得滋事今爾部長差爾等赴京過藏之便特
來謝罪具見誠心我當爲爾等念誦平安經使
爾等一路平安早得瞻仰

大皇帝渥受

天恩等語並賞給大小頭人每人銀十兩及緞疋菓
品賞給跟役每人銀五兩及氍毹菓品該頭人
等伏地叩謝頗形感悅

臣

等查珠爾杭阿所稟